

RISP Newyddion

E-Gylchlythyr Swyddogol Rhaglen Gaffael
y System Gwybodeg Radioleg

Hydref 21 | Rhifyn 3

Croeso gan Lynne Burrows

RISP Uwch Reolwr Rhaglen

Rhoddodd y cyhoeddiad bod Cymru yn symud i lefel rhybudd 0 o 7 Awst y cyfle i'r Swyddfa Rheoli Rhaglenni gwrdd wyneb yn wyneb o'r diwedd ar ôl gweithio o bell drwy'r pandemig. Daeth y fîm ynghyd a mwynhau cyfarfod awyr agored plesurus iawn yn yr heulwen a thywydd twym.



Bydd yr hydref yn brysur i'r rhaglen gyda'r fîm yn edrych ymlaen at groesawu dau Uwch Swyddog Cefnogi Prosiect newydd, Rhianydd France a Briony Stanton, ym mis Hydref, ar adeg gyffrous. Wedi i'r fîm gwblhau'r Achos Busnes Amlinellol a'r ddogfennaeth cyn-caffael yn ddiweddar ar gyfer Cyfran 1, maen nhw bellach yn y broses o greu prosiectau newydd, gan gynnwys Buddion a Safoni yn barod at Gyfran 2 gyda'r broses gaffael yn dechrau ym mis Ionawr 2022.

Mae llawer o agweddau eraill o'r rhaglen fydd efallai o ddiddordeb i chi yn y cylchlythyr hwn, gan gynnwys rhai **“Galwadau i Weithredu”** diddorodol.

Unwaith eto, diolch am eich cefnogaeth. Edrychwn ymlaen at glywed gennych!

Lynne


Achos Busnes Amlinellol

Gydag Achos Busnes Amlinellol RISP wedi'i gwblhau, mae'r camau nesaf fel a ganlyn:

- I'w gyflwyno i'r Grŵp Gweithredol Cydweithredol cyn ei anfon at y byrddau iechyd, ymddiriedolaethau a lechyd a Gofal Digidol Cymru (DHCW) i'w gymeradwyo ym mis Tachwedd 2021.
- I'w gymeradwyo gan Lywodraeth Cymru a'r Gweinidog Iechyd a Gwasanaethau Cymdeithasol i'r rhaglen barhau i'r cam caffael ym mis Ionawr 2022.

Ffrwd Waith Newid Busnes

Wrth i'r rhaglen fynd yn ei blaen, cydnabuwyd yr angen am Ffrwd Waith Newid Busnes a arweiniodd at sefydlu dau brosiect newydd: Y Prosiect Buddion i redeg trwy holl gyfrannau'r rhaglen sy'n weddill a'r Prosiect Safoni i redeg trwy gyfrannau 2 a 3.



"Os oes gennych chi, neu gydweithiwr rydych yn ei adnabod, ddiddordeb mewn ymuno â'r Grŵp Buddion, rydym yn gofyn i chi ymuno â ni a chyfrannu'n gadarnhaol at y rhaglen!"

Timau Caffael

Wrth i'r Prosiect Cyn-Caffael yng Nghyfran 1 agosáu at ei derfyn ac wrth symud tuag at Brosiect Gaffael yng Nghyfran 2, lluniwyd pedwar Tîm Caffael ym mis Gorffennaf 2021 i greu, datblygu ac adolygu 23 Amserlen Contract a dogfennaeth gytundebol gysylltiedig.

Mae cynrychiolaeth briodol ar y timau Caffael o:

- ✓ Radioleg
- ✓ Ffiseg feddygol
- ✓ Cymwysiadau meysydd menter
- ✓ Arbenigwyr technegol ac integreiddio
- ✓ Arbenigedd caffael, cyfreithiol a masnachol



Timau Caffael Gweithredol a Thechnegol

Mae'r ddau dîm yn gyfrifol am greu'r amserlenni perthnasol a gwerthuso ymatebion cyflenwyr o ran y gofynion gweithredol a thechnegol



Tîm Caffael Gweithredu / Llywodraethu

Yn gyfrifol am greu'r amserlenni perthnasol a gwerthuso ymatebion cyflenwyr mewn perthynas ag agweddau gweithredu a llywodraethu



Tîm Caffael Masnachol / Cyfreithiol / Cyllid

Yn gyfrifol am lunio'r amserlenni perthnasol a gwerthuso ymatebion cyflenwyr mewn perthynas ag agweddau masnachol, cyfreithiol a chyllid

Hoffem ddiolch i'r holl randdeiliaid am eu hymgysylltiad a'u cyfraniadau.



“Os hoffech fod yn rhan o'r rhaglen, cysylltwch â ni oherwydd y byddai eich cyfraniad yn cael ei groesawu'n fawr.”

Rydym yn eich annog i anfon e-bost atom yn Radiology.Informatics@wales.nhs.uk er mwyn:

- Holi ynglŷn â'r rhaglen
- Cymryd rhan yn y Rhaglen wrth iddi ddatblygu
- Cofrestru ar gyfer ein e-Gylchlythyr chwarterol
- Cofrestru ar gyfer ein digwyddiadau a'n gweithdai
- Rhannu eich barn am yr hyn yr hoffech ei weld yr e-Gylchlythyrau

I gael rhagor o wybodaeth am y Rhaglen a'r Prosiectau, ewch i'n [tudalen we](#).

Rydym yn croesawu derbyn gohebiaeth yn Gymraeg ac ni fydd ein hymateb yn Gymraeg yn arwain at oedi.



GIG
CYMRU
NHS
WALES

Rhaglen Caffael System
Gwybodeg Radioleg
Radiology Informatics System
Procurement Programme



GIG
CYMRU
NHS
WALES

Cydweithrediad Iechyd
Health Collaborative

NHS Wales Health Collaborative,
Floor River House,
Ynys Bridge Court
Cardiff, CF15 9SS

“Mae'r tîm RISP yn gwerthfawrogi'r gefnogaeth barhaus gan y gwasanaeth yn fawr gan fod eich cyfraniadau a'ch ymgysylltiad yn parhau i lywio'r rhaglen, yn ein galluogi i gaffael yr ateb gorau i staff a chleifion ledled Cymru, yn helpu i gefnogi newid busnes ac yn dod â buddion i bawb.”